

आकाशवाणी

खबरां ---

1. भारतीय जनता पार्टी दे सीनियर नेता ते प्रधानमंत्री नरेंद्र मोदी होरें आखेआ जे ओह मुख्यै गी विकास दी नमीं उंचाई तगर लेने दे पक्के धेइये कन्नै कम्म करा रदे'न।
2. जम्मू-कश्मीर दे पुंछ जिले दी सुरनकोट थाहर इक हैड मास्टर गी पिस्तौल ते ग्रेनेड कन्नै गिरफ्तार कीता गेआ।
3. भारत च माली बरे 2023-24 च कुल प्रत्यक्ष कर गुराई च 17.7 फीसद दी बढौतरी होई ऐ जेड़ी पिछले बरे 16 लक्ख 64 जहार करोड़ रपे ही।
4. कांग्रेस केंद्री चुनांस कमेटी नै अज्ज नमीं दिल्ली दे पार्टी मुख्यालय च लोकसभा चुनाएं कन्नै जुड़ी दी बैठक कीती।
5. राश्ट्रीय परीक्षण एजेंसी नै जून 2024 गी होने आहले यू.जी.सी-नेट म्तेहान लेई पंजीकरण प्रक्रिया शुरू कीती।

PM

भारती जनता पार्टी दे सीनियर नेता ते प्रधानमंत्री नरेंद्र मोदी होंरें आखेआ ऐ जे ओह् मुख्य गी विकास दी उंचाइयें पर लेइयै जाने दे पक्के धेइयै दे कन्नै कम्म करा रदे न। अज्ज राजस्थान च जालोर लोकसभा चुनांs हल्के च इक चुनावी रैली गी संबोधित करदे होई उनें आखेआ जे केंद्र सरकारै रसोई गै कनेक्शन ते घरें च शौचालय दे निर्माण सने केई सुविधां देइयै महिलाएं दे जीन गी सखल्ला बनाने लेई केई कम्म कीते न। श्री मोदी होंरें कांग्रेस पर मौका परस्ती गठबंधन बनाने दा दोष लाया ते आखेआ जे मुख्यै दी जिम्मेदारी नेय मौकापरस्त गठबंधन गी नेई देनी लोइचदी। राज्य दी पानी दी समस्या दा जिक्र करदे होई उनें आखेआ जे राज्य सरकार नै एहदा हल कड्डने लेई कम्म शुरू करी दिता ऐ। श्री मोदी होंरें कांग्रेस दी पिच्छली सरकार पर केई पानी दे प्रोजेक्ट गी पिच्छा पाने दा दोष लाया। राजस्थान कन्नै अपने पुराने सरबंधें दा जिक्र करदे होई उनें आखेआ जे जिल्लै ओह् गुजरात दे मुख्यमंत्री हे, उस्सलै बी उनें राजस्थान दी पानी दी समस्या दा हल करने दी कोशिश कीती ही। प्रधानमंत्री होंरें आखेआ जे युवाएं लेई सैलसफा दे माध्यम कन्नै रोजगार दे मौके पैदा करने पर खास ध्यान दिता जा रदा ऐ। मतदान

करने गी मान दा विषय दस्सदे होई उनें सब्बे वोटरें थमां जलपान करने थमां मतदान करने दी विनती कीती। इस चुनावी रैली च मुखमंत्री भजन लाल शर्मा बी मौजूद हे। जालोर लोकसभा सीट थमां भारतीय जनता पार्टी नै लुम्बाराम चौधरी गी मैदान च उतारेआ ऐ। जिल्लै के कांग्रेस नै साबका मुखमंत्री अशोक गहलोत हुंदे पुतर वैभव गहलोत गी टिकट दिता ऐ। श्री मोदी हुंदा अज्ज संझा बांसवाड़ा च बी इक चुनां रैली गी संबोधित करने दा कार्यक्रम हा।



PM-Mahaveer

प्रधानमंत्री नरेंद्र मोदी होंरे आखेआ ऐ जे भारत हून वैश्विक सतह पर सच्चाई ते अहिंसा आले मंत्र पूरे आत्मविश्वास कन्नै दुनिया तकर पुजा रदा ऐ ते जिसी विश्व भरै च व्याप्त समस्याएं परेशानिएं गी खत्म करने दे हीले दे तौर पर दिक्खेआ जा रदा ऐ। भारत दी सांस्कृतिक छवि बी इत सरबंधै च इक अहं भूमिका निभा रदी ऐ। 2 जहार 550में भगवान महावीर निर्वान महोत्सव गी संबोधित करदे होई मोदी होंरे आखेआ जे उंदी सरकार नै जिसलै 2014 बरे च सत्ता च आई ही तां उन्नै विरासत दे बाद्दे विकास पर बड़ा मता जोर पाया हा। लोकसभा चुनाएं बारै गल्ल करदे होई उनें आखेआ जे लोकतंत्र दा इक

बड्डा उत्सव चला रदा ऐ ते देसै गी विश्वास ऐ जे अगगें हून इक नमां भविकख शुरू होग। उनें आखेआ जे उंदी सरकार नै योग आयुर्वेद गी बड़ा मता बढ़ावा दिता ते नमीं पीढ़ी अपनी पंछान च आत्मसम्मान दी भावना रखदी ऐ।



BJP-Nadda

भारतीय जनता पार्टी दे राष्ट्रीय अध्यक्ष जे.पी नड्डा होरें आखेआ ऐ जे बीजेपी नै पिच्छले 10 बरें च टिकाऊ सरकार दिती ऐ जेदे नै त्रै तलाक दे चलन ते अयोध्या च राम मंदर दा निर्माण करने जनेह गंभीर मसलें दा हल होआ ऐ। श्री नड्डा होरें बीजेपी दे मेदवार प्रताप राव जाधव हुंदे हक्कै च प्रचार लेई बुलदाना जिले दे संग्रामपुर तालुका च इक जनसभा गी संबोधित करा करद े हे। पिच्छले 10 बरें च एनडीए सरकार दी बक्ख-बक्ख उपलब्धिएं बारै बोलदे होई आखेआ जे केंद्र सरकार नै प्रधानमंत्री आवास योजना तैहत मुल्खै दे 5 करोड़ शहरदारें गी पक्के घर मुहैया करोआए न ते पीने आला पानी, बिजली कनेक्शन ते मुफ्त राशन जनेई सुविधा गी बी यकीनी बनाया ऐ।



Rajnath Rally

भारती जनता पार्टी दे सीनियर नेता ते केंद्री मंत्री राजनाथ सिंह होंरें पच्छम बंगाल च कनून बवस्था दी स्थिति गी लेइयै ममता बनर्जी हंडी अगुवाई आहली टी.एम.सी सरकार दी नुक्ताचीनी करदे होई आखेआ जे समूलचे राज्य च अराजकता आहला माहौल बने दा ऐ। उनें दोष लाया जे सुश्री ममता बनर्जी एनआरसी दे मुद्दे च मुर्शियाबाद दे प्रवासी मजूरें गी गुमराह करी रदियां न। अज्ज जालंगी दे नरसिंहापुर च मुर्शीदाबाद थमां पार्टी दे मेदवार दे समर्थन च इक जनसभा गी संबोधित करदे होई राजनाथ सिंह होंरें आखेआ जे केंद्र सरकार नै पच्छम बंगाल लेई बक्ख-बक्ख विकास योजनाएं गी आंदा ऐ। उनें आखेआ जे त्रिणमूल कांग्रेस धर्म दे नां पर बंटवारा पैदा करपा रदी ऐ जेदे लेई बीजेपी, अ एहदा सख्त विरोध करा करदी ऐ।

<><><><><><>

OGW-Poonch

इक्क बड्डी सफलता हासल करदे होई सुरक्षा बलें अज्ज इक्क स्कूल हैड मास्टर, जेड़ा जे पुंछ जिले च आतंकियें लेई ओवर ग्राउंड वर्कर दे तौरा पर कम्म करा रदा हा, गी गिरफ्तार करी लैता ऐ। अधिकारियें गलाया जे सेना ते पुलस सने सुरक्षाबलें हरि बुद्ध इलाके च इक्क

अभियान चलाया ते कमरूद्दीन नांs दे इस स्कूल हैडमास्टर दे घर थमां पाकिस्तान च बनी दी पिस्तौल ते चीनी ग्रेनेड कन्नै उसी गिरफ्तार करी लैता। उनें दस्सेया जे बरामद कीता गेदा गोला-बरूद ते हथियारें दा इस्तेमाल पुंछ जिले च चला रदे चुनाएं च गड़बड़ी पैदा करने लेई कीता जाना हा। पुलस नै इस मामले च केस दर्ज करी अगेत्री कार्रवाई शुरू करी दिती ऐ। तोआई इक्क दुई घटना च सुरक्षाबलें राजौरी जिले दे थन्नामंडी इलाके च आतंकियें दे इक ठिकाने गी तबाह करी बड़्डी मात्रा च असला बरूद बरामद कीता ऐ। सूत्रें दस्सेआ ऐ जे पुलस ते सुरक्षाबलें दे सांझे तलाशी अभियान च अजमताबाद इलाके शां आतंकियें दे ठिकाने थमां 1 किलोग्राम आई.ई.डी, 2 वायरलेस सेट, ए.के 47 दियां 3 रौंदां, 1 बरूद दी थैली, ए.के 47 दे 102 रौंद ते इक्क चार्जर बरामद कीता ऐ। जम्मू डिविजन दे पुंछ ते राजौरी जिले च ते कश्मीर डिविजन दे अनंतनाग-कुलगाम जिले च 7 मई गी वोट पाए जाने न।

<><><><><><>

GST

भारत च माली बरे 2023-24 लेई शुद्ध प्रत्यक्ष कर वसूली च 17 इशारिया 7 फीसद दी बढ़ौतरी दर्ज करदे होई 19 लक्ख 58 जहार

करोड़ रुपें दी रकम कठेरी गई ऐ जेड़ी पिच्छलै माली बरे च 16 लक्ख
64 जहार करोड़ रुपे ही। एहदे नै माली बरे 2024 दा बजट अनुमान
इक लक्ख 35 जहार करोड़ रुपे यानि 7 इशारिया 4 फीसद मता होई
गेआ ऐ।



Mayawati Gaziabaad Rally

बसपा प्रधान मायावती होरें अज्ज गाजियाबाद च रैली गी संबोधित
कीता। मायावती होरें आखेआ जे भड़काऊ बयानबाजी हून कम्म नेई
करने आहली ऐ। जनता गी बेहतर दिने दे सुखने दी हकीकत दा पता
लग्गी गेदा ऐ। मायावती होरें आखेआ जे भाजपा इस बारी केंद्र च
वापस नेई औने आहली ऐ। उनें आखेआ जे मुफ्त राशन लोकें गी
फायदा नेई पुजा रदा ऐ। सिर्फ कम्म मुहैया करोआने कन्नै गै उंदे
जीवन च सुधार होग। सुश्री मायावती होरें आखेआ जे मौजूदा बीजेपी
सरकार दी जातिवादी, साम्प्रदायिक ते पूंजीवादी सोच ते नीतियां
करसानें गी उबड़ा चुक्कने जोग नेई हैन। बेरोजगारें गी रोजगार देने ते
शिक्षा नीति च सुधार दे सरबंधे च कोई कम्म नेई कीता गेआ।



Israel Air Strike

दक्खनी गाजा च इजरायली हवाई हमले च रातीं 18 लोकें दी मौत होई जिंदे च 14 बच्चें ते त्रै महिलां न। फिलीस्तीनी सेहत अधिकारी मुजब पैहले हमले च इक परोआर दे सब्बै त्रै जीव मारे गे जेदे च त्रुं बरें दा बच्चा बी शामिल ऐ जिसलै के दुए हमले च 13 बच्चें ते दऊं महिलाएं दे इक होर परोआर बी खत्म होई गोआ। एह हमले अमेरिकी प्रतिनिधि सभा आस्सेआ इजरायल गी 26 इशारिया 3 अरब डालर दी मदद देने दे किश घेंटे बाद कीते गे'न जिंदे च गाजा पट्टी लेई 9 अरब डालर दी मानवीय मदद बी शामिल ऐ।

<><><><><><>

NTA

नेशनल टेस्टिंग एजेंसी नै जून 2024 गी होने आहले यू.जी.सी नेट म्तेहान लेई पंजीकरण प्रक्रिया शुरू करी दिती ऐ। इच्छुक मेदवार इंदी अधिकारिक वेबसाइट उप्परा पूरी जानकारी हासल करी सकदे न। पंजीकृत प्रक्रिया 10 मई तगर चलोग।

<><><><><><>